

Von allerhand Arhney/

daß sie kalt werden/ darnach führe den Krancken in ein Keller/ vnd zueh ihn nackent auß/ vnd bluret ihm das rechte Nasloch/ so leg ihm ein stein auff die rechte seit/ auff die Leber/ oder auff die lincke/ bluret ihm das lincke Nasloch/ schlag ihm Tuch über die Stirn/ in Essig genezt.

Neatia gemischt mit Weggrass safft/ vnd in die Nasen gerhan.

Corander gebeißt in Essig/ vnd Weggrass safft/ ist gut für das bluten der Nasen.

Blutstein in die Hand genommen/ verstellt das Blut.

Gallöpfel mit Tesehenkraut Safft oder Weggrass gemischt vnd in die Nasen gerhan.

Münia gemischer mit Wein/ vnd den getruncken/ verstellt das bluten der Nasen.

Weyrauch/ Gallöpfel/ gemischt mit Lauchsafft/ vnd in die Nasen gerhan/ versteller das bluten.

Weidenblättrer Pulver getruncken mit Essig/ verstellt das bluten der Nasen.

Cap. vii. Zu dem Mund.

So ein Mensch seer ist/ oder Blattern hat in dem Mund/ oder ein zerspalten Leffzen.

Die schärpff ihm sänffrig mit Rosenöl / oder Utolöl/ darnach heile es mit der weissen Salb von Bleyweiß vnd Rosenöl gemacht.

Item/ ein gut pflaster zu heilen die späle der Leffzen. Nimb Terpentin / Honig / Mastix / Isop/ humide / jedes gleich viel / mach ein Pflaster darauß/ vnd legs über.

Item ein anders/ Nimb Gallöpfel/ Bleyweiß/ jedes des 2. Loth/ Dragantum/ Kraffmäl/ jedes ein Loth/ das temperier mit Zennenschmaltz/ vnd brauchts.

So die spält hitzig vnd schärpff sind/ vñ sehr schwer/

ren/

ren/ Nimb Bleyweiß/ Silberglet/ Bleyäsch/ Bilsenöl/
Wachs/ Rosenöl/ jedes gleich viel/ darauff mach ein
Salbe/ vnd brauchts.

Item den Safft von dem sauren Klee/ Guck'gauchs-
krauch genant/ daran gestrichen/ heilet alle Blattern
vnd Schrunden.

Chamillen gesotten in Wasser/ vnd den Mund das
mit gewaschen/ heilet die Geschwür darinn.

Hundszungenkraut vnd Wurzel gesotten in Was-
ser/ vnd den Mund damit gewaschen/ heilet alle See-
rigkeit vnd Blattern.

Den Safft von Benedicren Kraut vnd Wurzel ge-
strichen auff die Lefftzen die blätterich seind/ oder seer/
heilet die beyde.

Eisenkraut gesotten in Wein/ vnd damit gewaschen
den Mund/ heilet die Blattern.

Gelb Violsafft mit Honig vermischet / vnd den
Mund damit gewaschen/ heilet die Blattern.

So einer ein Fäulung hat im Mund am Zankfleisch.

Nim Rosen/ Tormentill/ jedes ein loth/ send das in
gutem Wein/ vnd wäsch das Zankfleisch damit / du
magst wol Rosenhonig dartzu thun.

Item ist das Zankfleisch hart geschwollen / so laß
Nesselwurz sieden in Wein / vnd wäsche dich damit/
so heilet es.

Holwurz gepulvert/ vnd mit Honig gemischet/ vnd
damit gewaschen / oder geriben das Zankfleisch/ heilet
die Fäulung.

Alaun zerlassen in Essig/ vnd den Mund damit ge-
waschen/ heilet die Fäulung.

Braunellenkraut gesotten in Wein/ vnd damit ge-
waschen den Mund/ heilet ihn.

Fünfffingerkraut gepulvert vnd gemischt mit Honig
D nigs

Von allerhand Arzney/
nig/ damit gewaschen das Zanfleisch vnd den Mund/
heilet ihn.

Breiten Wegrichsafft in dem Mund gehalten / bes
nimpt die Fäulung darinn.

Nerhetrich gestossen vnd gemengt mit Honig/ vnd
den Mund damit geriben/heilet ihn.

Senffsamien mit Honig gemischer vnd den Mund
damit geriben/heilet ihn.

Ibisch Wurtzel gesotten in Essig / vnd darmit das
Zanfleisch geriben/benimpt den Schmerzen.

Item den Mund gewaschen mit Wasser / darinnen
gesotten schwarz Liefwurtz/ nimpt das faul Fleisch
von den Zänen/ vnd tödtet die Wurm der Zän.

Mastix vnd Weyrauch / gemischt mit Honig / vnd
darmit geriben das Zanfleisch/benimpt ihnen die fäu
lung darinnen.

Item den Essig von Squilla/ in dem Mund gehal
ten/heilet die Fäulung.

Isop gesotten in Wasser vnd Honig/ damit gewä
schen das Zanfleisch/ heilet es.

Cap. viij. Von den Zänen.

So ein Mensch grossen Schmerzen
vnd Wehetagen hat an den Zänen.

Et der Schmerz der Zän von Sitz/so salbe den
Backen mit der Salbe Populeon / oder Rosen
öl/ vnd gib ihm in den Mund Endiuin oder
Wurtzelsafft/ oder Papellen Wurtzel in Wasser
gesotten mit Rosen/ Gallspffel vnd Myrthenblätter
vnd das in den Mund genommen.

Item ein andere gute Arzney/ Nimb Coriandersa
men/ Wurtzel/ Sumach/ geschölte Linsen/ gelben San
del/ Bertram/ Gampher/ Nectaria/ ieder Ruchlin nimb
eins / vnd zerreibs mit Rosenwasser / streichs an die
Zän/ das hilfft gar bald.

Schlet